

國家圖書館藏

綫裝書局

中華歷史人物別傳集

清授光祿大夫頭品頂戴日講起居注官翰林院侍讀嘉興錢公行狀

辛未春日朱益藩題

清授光祿大夫頭品頂戴日講起居注官翰林院

侍讀嘉興錢公行狀

曾祖諱復順天大興縣知縣誥贈光祿大

夫

妣氏陳誥贈一品夫人

祖諱泰吉邑廩生海甯州學訓導自號甘泉

鄉人誥贈光祿大夫

妣氏胡誥贈一品夫人

考諱應溥道光己酉科拔貢官至工部尚書

軍機大臣賜謚恭勤誥授光

祿大夫

妣氏程許誥贈一品夫人

本貫浙江嘉興府嘉興縣年八十三歲

公諱駿祥字新甫別號耐庵晚年又自號瞶叟先世
本海鹽何氏明初貴四公因賦役事戍黔之都勻府
以次子諱裕留育於同里錢富一翁遂承錢姓四傳

至海石公諱薇是為公十世祖嘉靖壬辰進士官禮
科給事中贈太常卿事具明史九世祖魯南公諱興
映嘉靖甲子舉人八世祖紫芝公諱陞萬曆戊午舉
人七世祖鶴菴公諱瑞徵康熙癸卯舉人西安縣學
教諭六世祖廉江公諱綸光太學生五世祖文端公
諱陳羣康熙辛丑進士以刑部侍郎予告歸特加太
子太傅刑部尚書晉贈太傅入祀賢良祠謚文端自
紫芝公迄廉江公均以文端公貴贈光祿大夫高祖
安封公諱汝慤績學早世本生高祖安慶公諱汝恭
乾隆丁卯舉人河南新鄉江蘇丹徒沭陽等縣知縣
安徽安慶府同知自安封公迄甘泉公均以恭勤公
貴贈光祿大夫文端公与恭勤公先後為名臣勛業
著於國史行誼式於鄉閭公為文端公之五世孫恭
勤公之仲子道光戊申恭勤公隨侍警石先生海甯
公誕生於儒學署中幼而穎異為祖庭鍾愛親自授
讀未十歲而畢群經成童後隨侍恭勤公於曾文正

公戎幕當代賢士大夫見即推許樂与之游學業日
進同治乙丑補郡庠生食廩廩庚午舉優行貢成均
五試漸聞皆以額滿見遺光緒己卯援例以郎中分
兵部待闕壬午改試京兆又中副車泊乙酉始獲登
賢書己丑成進士改翰林院庶吉士明年散館授檢
討甲午督山西學政丁酉代還庚子恭勤公告歸公
隨侍還里明年恭勤公薨又越三年服闋還朝丁未
擢翰林院撰文舊例詞曹出有坊缺以資深編檢二
十員具題請旨公名列第四越次擢用推恭勤公舊
恩也旋擢侍講轉侍讀歷充會典館纂修國史館協
脩纂修編書處總校文淵閣校理教習庶吉士日講
起居注官實錄館總纂等職叙編書勞加二品銜實
錄成賜孔雀翎晉頭品頂戴公未通籍前在秣陵則
肄業鍾山惜陰二書院在京則肄業成均及金臺書
院勵志助學文譽斐然為李小湖薛慰農王益吾潘
曄琴諸先生所契賞觀政戎曹歷任長官倚以為重

故事入贊為郎非補官不昇祿精遇有特差始獲稍
資廩餼公硯：自守未嘗以私干同郡徐忠愍公用
儀時為少司馬董陵工同官某乞介於徐公公以分
限堂屬婉詞却之迨徐公委監修三人而公名與焉
公以某君有前言不為人謀而已獲之其何以自明
卒辭不就亦不明言其故也其出視學以晉省地僻
民儉當使勵實學通時務以儲為世用乃捐廉購置
新舊圖籍度書院餉諸生復於省垣設會英文社課
經史策論取列前茅者厚給膏火按試諸郡日坐堂
皇監察至日晡收卷始退待遇攷生力從寬厚而校
閱文字務極詳審唯恐屈抑真才時值丁酉科選拔
衡校之時必覘其學詣察其年資而折衷於文藝所
得皆經明行修之士是年秋闈揭曉榜首即所取選
拔生其優拔兩生之獲售者多至二十餘人前任王
梅岑先生夙以清介著稱常語人曰錢公所拔者皆
吾意中欲拔之人其公允可知按試絳州邁疾甚劇

調治一二日即力疾開考幕友均以休沐請公曰諸
生多來自他縣不可以吾病勞彼久待耗旅費也晉
省口外之歸化薩拉齊和林格爾托克托清水河豐
鎮甯遠七廳學每學童試規定祇二十名取進一名
至多不得過二名而應試人數歸化五廳往：不及
二十人豐甯二廳人數較多又限於額以是濫等校
考或冒籍跨考均所不免公於按試時加意體察冬
以衆論議將歸化等五廳併為一學豐甯二廳為一
學每學置進額八名並酌廣歲貢廩增各額奏上報
可由是邊徼之士登進驟寬咸欣然向學矣奉諱里
居浙撫任筱沅中丞禮聘為數文書院山長力倡實
學士風丕振壬寅癸卯兩科獲隲者多為院中高材
生洎詔廢科舉令各省以書院改建學堂禾郡本有
駕湖書院郡人士公議就院址改建中學堂推舉公
為監督受事後凡規定章制籌畫基金以及訪延教
員選購圖籍咸躬任其難而例得之夫馬費悉以捐

購書籍規模粗具遂薦賢自代回京供職公迴翔詞館二十餘年性甘淡泊思不出位充編書處總校及實錄館總纂時懷鉛握槧日有常程寒暑靡間考訂體例精嚴確當同館均相引重辛亥後解職退隱以實錄未成仍恭事纂修網羅甄采一如平時閱三載書成此後遂不問世事婆娑風月与二三故舊市樓品茗歡詠自娛暇則仍事作述公伯祖行石先生輯錢氏世譜自明代起至嘉慶三年止而乾隆十七年

後又缺佚四十餘年公乃重為搜補仿斷代為史例至宣統三年止今年纂輯備極精詳平日晨起必熏沐寫佛經及先人遺集成金剛經一百部妙法蓮華經一部香樹齋詩集精華錄八卷生平所著詩文不自收拾僅在音學使任內畧有鈔存自辛亥後始有存稿晚自定為微塵音韻了吟餘光四集都若干卷公天性孝友許太夫人謝世時年僅十齡哀毀如成人數十年來追慕不已歲時祭祀淚輒泫：下事恭

勤公曲意承歡定省罔闕遇事請命而行畢生如一日每逢家祭必誠必敬至暮年拜跪維艱家人以節勞為請卒不許長兄萬成幼殤有第三人廖祥字壽甫熊祥字冲甫敬來字敏甫怡：友愛終身無間辛亥後壽甫家居食貧公歲時協濟復以祖遺田二百畝相贈迨壽甫逝世後為逆子靜孫籌畫職業俾無墮乏世父芝舫先生中年謝世有子五人年皆幼悉賴恭勤公教養成立公与諸從昆季自幼相處敬愛

無異同胞中年以還官輟分馳書閤不絕從弟晉甫鼎甫暮年家漸落公盡力傾助歲以為常存歿無異視親族待公舉火者指不勝屈歲時分贈久而不輟其有失所者尤昕夕縈懷必令溫飽而後已平居自奉甚約而待人極豐常謂嗇於己為儉嗇於人為吝凡有求助者無論交誼厚薄必使滿意而去其以事就商亦必為之熟權利害策畫萬全謀人之周勝於自謀有一失墮引為己憂尤復仗義疏財急人之急

縱或被紿亦處之夷然謂君子固可欺以其方也癸
巳京師大雨連旬河流潰決蘆溝橋附近盡成澤國
公與同鄉諸君共商賑濟親赴各村莊分途調查散
放錢米災黎存活無算壬寅木郡大旱米價翔貴公
倡募捐款並請截留漕糧若干石於郡城四隅設局
平糶至米價平落始行撤局饑而不擾郡人感頌至
今弗衰晚年僑寓津門間歲必歸謁先墓癸亥春南
歸祭埽留里中兼旬親故相逢情話歡洽泊北返道

出臨城夜遇盜劫車盜強曳公下推挽以行力不能
支顛仆者再乃捨之中途跣足露宿褻衣僅存次晨
始遇路警護送登車安抵津沽危難之際如有神助
人咸謂為盛德之報公配周夫人為吳興兵部主事
詠華先生諱學洙之次女同德一心如賓之敬老而
弥摯庚戌之夏公偶患濕溫症呢逆七晝夜勢頗危
急醫者投以溫通之劑夫人割臂和藥以進病遂告
痊丁卯四月公與夫人八旬雙壽又值六十年花燭

重諧公賦詩志喜白頭梁孟壽考康強見者咸詩為
人瑞庚午二月夫人病逝公傷感特甚手撰行畧又
作悼亡詩三十二首悲愴填膺莫能稍釋風邪乘之
濕熱痰滯凝結中宮上下阻隔呢忒不止卧病兼旬
遂棄人世去夫人之逝僅五十餘日耳公所為重諧
花燭詩其卒章云他日瓊霄携手去也應仙眷比劉
樊悼亡詩之卒章又有地下相逢之語今日讀之竟
成詩讖生有自來死無遺憾同牢共穴無間幽明洵

足表人倫而媿薄俗矣公感慨秦離始終不二當八
十壽時賜額曰耆英雅望及其卒也又賜額曰世臣耆
學論者僉謂當之無愧公生於道光戊申年四月二
十六日寅時卒於庚午年四月初十日巳時享壽八
十有三原聘許夫人生於道光庚戌年七月二十八
日丑時未婚卒於同治乙丑年九月二十二日申時
迎櫬歸葬周夫人生於道光己酉年四月初一日子
時卒於庚午年二月十四日未時享壽八十有二子

三長錦孫光緒癸卯恩科舉人前度支部員外郎歷任鹽務署廳長署財政次長全國菸酒事務署：長次者孫前郵傳部主事財政部薦任職任用次瀛孫增貢生分省知州先卒女四長適汪縣潘肇翰次未字卒三適海甯陳方鏞四適海鹽沈文孫孫六人慎曾慎詒念傳均早卒鑫淦均肄業中學鑒肄業高等小學孫女六人長適淮陰王毓霖次字杭縣許寶駁三適武進巢尚文四字盱眙汪毓鑑五六未字雄与

公交契垂四十年辛附詞館後進之列樞衣請業獲益良多比年同客京津時相酬唱己己之歲公八秩晉二誕辰雄用黃蕘園韻贈詩三首以祝難老公次韻如數賜和篇未有云天未正懷人遙望江雲暮又云垂老作遺民寒窳徐歲暮契合之深期許之摯流露於楮墨間公又和我六十有四初度自述詩有云養心學邃常知正紀事文多不送窮大集編成書甲子此身長在義熙中獎飾之語非所敢承而相期歲

寒邱隅知止之義雄固當終身誦之也老成不作後生小子失所依歸能毋慟耶往者杭堇浦為王公蘭生作行狀沈歸愚為張公鵬翀作行狀皆以報知己於地下今公子錦孫耆孫以行狀相屬固所願也爰詮次事畧如右以告後之修史者館晚生常熟孫雄再拜謹狀

年表姪表甥崑山李說謹書

誥授光祿大夫 贈太師先文忠公行述



誥授光祿大夫 晉贈太師 特諡文忠太傅先府君行述

先君諱寶琛字伯潛號張庵姓陳氏福建閩縣人 先高祖刑

部尚書諡文誠諱若霖 先曾祖雲南布政使諱景亮 先祖

候選郎中刑部主事諱承襲

誥封光祿大夫 祖妣林

封一品夫人 光祿公六子 先君其長也道光戊申生於螺洲里

第少隨 光祿公侍 布政公宦所自陝而齊年十歲偕 仲

父曲靖公從 光祿公自山東運署歸讀書家塾 光祿公喜

其英敏每出塾輒命旁侍辟呬詔以古今忠孝故事年十三出

應童子試受知於徐壽蘅學使補縣學生中同治乙丑補行甲

子科舉人年二十一以戊辰科成進士改翰林院庶吉士散館

授編修乙亥

大考二等

記名遇缺提奏已卯擢侍講充

日講起居注官歷充

武英殿協修纂修總纂提調

國史館協修纂修功臣館纂修本衙門撰文轉侍讀歷左右春坊

庶子侍講侍讀學士游陞內閣學士 先君之居講職也承中

興日久朝綱漸整外患亦漸亟

景廟初年

福州大學印書局

兩宮勵精圖治恭忠親王高陽李文正公輔政 先君與宗室侍郎寶

廷豐潤張學士佩綸南皮張文襄公奮發言事慨然有澄清之

志天下想望風采號為清流 先君所論列大者如伊犁廢約

琉球外屬籌關東設官用人臺灣巡守及開山防海陳洋務六

事固越二策又如星變陳言請嚴貴近察典劾中外不職大臣

及原盛京副都統富陞之罰斥前陝甘總督琦善專祠之請其

他論故督江甯三牌樓之疑獄舉舊相閻文介之清操皆國家

大計與正義所在而尤以端政本肅君心著稱當時者二事有

太監奉

懿旨出宮門與守門護軍口角事下刑部內務府依法訊辦

兩宮威怒重科護軍毆打違抗罪大臣不敢爭 先君以事關治亂消

長疏請中門禁舊章防流弊又請特降

懿旨免護軍重罪

宮廷忤清議護軍得從輕典時文襄亦已疏陳見 先君疏乃大

新服

孝貞顯皇后山陵奉安有

詔

皇太后聖躬甫臻康豫臣工先後陳奏

慈輿未可遠涉郊垌朕亦未可暫離左右籲請謹遵康熙二年成憲停

止恭送奉

福州大學印書局

懿旨允所請 先君以事關家法人紀疏請暫緩永遠奉安先奉移隆福寺如

定陵

惠陵故事俟

皇太后聖躬復原再行誦吉

皇上親往舉行晉祥峪

定東陵永遠奉安典禮聞者儼然是皆言人所不敢言於是人知

先君為能持大體者也同光間朝列多正士自文襄諸公外

先君所嘗與氣節文章日夕切劘者臯蘭吳仰堂侍御仁和吳

子儁編修皆忘年交契同鄉則謝枚如中書尤以道義相期許

三 福州大華印書局

其後 先君五十謝先生集張亨甫詩句期君正有千秋事視

我真為一代人為贈 先君晚歲感懷謝先生亦有出處何成

吾老矣平生龔琢愧班斤之句蓋生平志事所久要者如此癸

酉乙亥兩充順天鄉試同考官己卯充甘肅鄉試正考官壬午

充江西鄉試正考官就授提督學政試士嚴明以士習風化為

任重教官叢優行復白鹿洞書院請加鄭進士維駒京銜請以

顧亭林黃梨洲二先生從祀

文廟又以作君子自辨義利始舉秀才須明經傳人二語榜之極

士以是咸知所嚮按試廣信懲辦開考武生革除歷年積弊藉

人稱之先是言事者日進用庸猥大臣多罷斥朝端側目

東朝亦稍倦於勤異趣者思假隙翻朝局會法越事起一疏盡易樞

府王大臣 先君時雖在外與張學士皆登疏論越事略言越

南未失則和戰皆易越南若失則和戰兩難規復越南為國計

安危所在宜用全力勿兩端於防海籌餉用人皆有規畫又言

法人利在速戰尤利暫和勿獎謬論堅其銜中語甚切直乃以

先君會辦南洋張公會辦福建海疆事宜 先君卸轡學赴

江甯聞法約五款垂成復上疏極論請及詳細條款未定集謀

策逐一研求勿因和局之成遽罷滇桂軍備以伐詭謀遏安索

朝旨赴津商和約又止赴津

命在滬會同江督曾忠襄與法巴使議前後兩月不就範以其間

四 福州大華印書局

往來巡察江防而防務事權不屬倉猝無從措手請自募勇訓

練請

飭中外豫籌持久各事多不報而和局且成 先君丁 林夫人

憂歸張公坐軍敗重譴 先君亦以薦唐炯徐延旭事部議降

五級調用是時 光祿公春秋浸高嘗語 先君曰汝書生驟

膺重任吾夙夜惟懼越是懼意蓋不欲 先君再出 先君先

意承志不忍違戊子迄甲午間 諸父科第踵相繼家門隆盛

叔父刑部公亦以翰林改官假歸 先君入侍晨昏出偕

諸父遊所築石鼓山中之聽水齋刊石賦詩色養怡怡有終焉

之志累年家居大府以時延訪 先君銳身贊助謀裨益家藏

有陳左海先生與先 文誠公論鄉里興作事手札十數通深致嚮往乙未 光祿公棄養服闋主龍峯書院以經史時務分課士之髦秀者皆錄焉甲午李文正復入中樞將起 先君以適居憂不果戊戌

景廟變法湘撫陳右銘中丞疏薦以政變罷行 先君感世變急非興學育才無以相濟也以日本同文地近有績効因創立東文學堂以為留學豫備以教育根本在小學造端在師資遂辦師範學堂設簡易科資遣速成師範生於日本旋復主高等學堂為整齊歸併贏其費以辦中學派師範法政商科工科留日學生先後畢業歸遂拓法政學堂立商業學堂遍設全省中小學

五
福州大學印書局

堂又請於官規定歐美留學生官費名額凡所興創皆綱目張舉而需款之擘畫舉事之層累曲折心力瘁焉既省設學務公所當路延 先君主其議鄉人士亦立省教育總會皆倚毗先君經畫旁午務以培人才廣教育為職志三十年來閩省內外南北仕學有名績者大率 先君所種植長養者也丙午秋外人覬閩路亟京僚倡議自辦呈請郵傳部奏派 先君為總理規定全省路線先就漳廈施工親歷南洋各屬募股侵冒瘴濕患腫腫偃臥經月卒集閩僑股款成萬興至江東橋鐵路七十餘里為閩路嚆矢閩以閩浙皖贛四省商辦鐵路協會事時作滬行己酉宣統初元

攝政王監國張文襄已前入樞府疆吏交薦奉旨召見在途蒙

派總理禮部奏辦之禮學館及入對開復降調處分 先君鑑於時事日非務勤修書期書成歸暇則與文襄一尊相對追話往事或訪舊遊山水一寺觀一花木皆若有無窮之感喟者是年八月文襄薨 先君益惘惘國事之艱危其冬復以路事假歸赴廈門還

朝補閣學原官謝表有賈生之對宣室非復少年蘇軾之直禁林永懷先帝語讀者悲之尋充經筵講官登預舉貢會考優拔貢

六
福州大學印書局

朝考滿御史考試北洋大學畢業生

殿試東西洋留學生

廷試閱卷

欽選資政院碩學通儒議員首發昭雪戊戌被禍諸人議朝野咸動又同桐鄉勞公乃宣持禮論爭新刑律數事雖違時不恤也辛亥五月

簡山西巡撫故事閩學得與列簡然自文襄以閩學授晉撫後三十年無繼之者眾驚異數 先君第循例謁樞邸俄而開缺以侍郎候補奉

懿旨

毓慶宮授讀矣 先君既侍

典學則思以聖功養正為致治之基啓沃不遑八月武昌難作大局日危袁世凱方起任內閣議派有聲望者十數人南下議和以先君預辭焉十二月遞政

招下有勸宜舍去者 先君致里中 叔父書謂半年來日在左右恩禮優渥論義論情均難恕舍 叔父亦寄書謂當有以自處久之洪憲事亟親友復以潔身之說進 先君不答惟於挽太保陸文端公云恭然後死責安辭蓋已生死以之矣 先君於宣統三年秋以候補侍郎改補正紅旗漢軍副都統兼任弼德院顧問大臣充

德宗景皇帝實錄館副總裁總裁

本紀成授太保

實錄成加太傅銜全書成晉太傅自以保傅之義在保其躬而傳其德謂宜操遵養之心畜君人之量以宏居正之基以徐俟其歸往丁巳五月之役事猝勿成甲子十月之變 先君衣冠立神武門外不得入

車駕至 醇親王府急奔赴卒計解北府圍復贊密畫出北府以

將天津

天語褒為老而益壯 先君故未嘗自道此中之本末曲折也天津既為

七 福州大學印書局

行在所 先君自舊京移居負羈縲者垂十年辛未十月東北事

起關外人民方有所謀議而津地事端迭乘旦夕數變

上驟航海至旅順 先君急繼赴入陳所見旋返津明年三月

上至長春 先君以是秋九月一至又明年九月再至

上憫 先君勞 先君亦憊戀不忍去皆於歲暮始告歸仍居津於

賓客之來謁者無賢愚同異莫不樂接也於異聞新論之見告者無虛實切迂莫不欲詳也晤語所得則窮日夕手書懷悽達同志凡以冀萬一之裨補而實則所接所詳之人與言與中心之所期乃若合若離不相應旁觀或憫其意 先君亦未嘗不自知而終為之無倦勞倍至而心亦彌苦矣復將於去秋往

觀病咳嗽入舊京就醫冬復病寒不出戶者兩月 命 不孝悲復往

謹代祝

嘏上元日有親友某自

行朝還和其詩猶以未獲預陳金鑑為疚 不孝悲復 正月十九日反

命 先君已復病入德國醫院卒不效護歸瀕危呼 不孝語云

此局將何以繼遂革實乙亥二月初一日卯時春秋八十有八

喪聞

上震悼

賜奠醢

賜祭一壇

八 福州大學印書局

特諡文忠

晉贈太師

賞給陀羅經被

賞銀九千元治喪葬 先君前直

內廷

賞在紫禁城騎馬乘坐緩轡

賞穿帶膝貂褂

賞戴花翎

賞給文職頭品頂戴

賞食頭品俸七十八十生辰兩蒙

賜壽

賜御書匾額極聯

賜御製七律詩幅重遶遊泮鄉舉

恩榮周甲之歲疊

賞御書匾額

賞戴雙眼花翎

賞用紫纓

恩眷稠疊榮哀備至 先君之造次顛沛小心萬葉深得

主知嗚呼難已 先君持已矜慎早歲登

朝於大臣之深相知者僅一再謁中歲退休亦踪跡闕然再出益

九

福州大學印書局

統統晚節倫紀之地敦篤自將 林夫人積勞僅中壽哀慕終

身侍奉 光祿公以一身任一家之瘁 叔父 先君所共論

學談藝商出處行事者也沒於國變後一年 先君至痛悼久

不忘 諸父皆前逝惟與 仲父老年兄弟南北相望歲除元

日郵函往復前歲 仲父亦卒 先君歸然獨存彌殫精繼述

日不暇給蓋 光祿公志量宏遠當慕范文正之所為 先君

里居名堂曰果善教鄉人紡織仿社倉意為平糶社學設義

塾將舉 光祿公所欲為者漸遂為之世事牽率比年汲汲效

族葬古制營公墓以惠族之無力者續修族譜成距 文誠公

修時將百年 光祿公嘗以責 先君者又以 文誠公缺易

名典 布政公嘗引為憾於

德宗實錄成辭太傅銜乞

恩予諡得請仍加秩壬戌歸焚 黃告廟幸達先志通籍後以已

官馳請 外曾大父母五品封典近更以 大母節縮衣飾所

儲積畀助外家喪葬費凡曲體竇念之微存沒無改 先君胸

懷散朗識者謂似魏晉間人而重綱常尚風義則發於至性於

永福小雄山得元遺臣靈武王用文先生隱居舊址慕聽水第

二齋又為題像樹墓道於鼓山宋趙忠定臨滄亭所泐朱文公

懷忠定詩題詠刻石致慨慕於福州西湖葦宋李忠定祠修遺

墓構偕寒亭歲寒樓海天閣於龍峯書院師範學堂以寄意座

十

福州大學印書局

主文文忠公祠祭 先君自再入國門歲必一舉歷二十餘年
無間癸卯正月自里浮海涉江抵甯甯張學士喪為文以祭對
故舊家人子弟情誼惻然論人先性情讀書於古人大節懿行
微言聃訓服膺不怠蓋好善尚賢 先君嘗自言一生得力所
自也有奏議六卷詩集十卷以乙亥年十月念八日未時葬於
閩侯君竹山之塋 先妣王夫人同邑文勤公女孫辛亥後留
里中庀家事辛酉十二月病卒蒙

恩賞給閩嶠女宗匾額

賞銀一千元治喪 先君明年春乞假歸視喪癸亥八月先葬君

竹山庶妣梁淑人楊淑人劉安人林孺人均先沒附葬子六人

恩賜幼殤恩復癸亥四月蒙

恩賞乾清門頭等侍衛 恩賜前度支部主事恩賜恩賜恩賜 女七人皆

適士族孫八人 恩賜恩賜恩賜恩賜 孫女六人不孝兄弟生晚恩賜

無識於 先君立朝居鄉諸事迹限於聞見晚歲所值事關君

國知有所不能詳言有所不得盡惟竊窺生平志節微尚與夫

貞苦孤衷略述一二伏乞

有道君子錫以碑銘傳誌顯微闡幽感且不朽

不孝陳懋復偕弟懋 恩賜恩賜恩賜 泣述

姻年世愚弟館侍生林開蔘謹填諱

太傅弢庵府君訃告

赴

喪居北平靈境胡同七號

不孝懋復等罪孽深重弗自殞滅禍延

顯考太傅弢庵府君痛於乙亥年

二月初一日即陽曆三月五日

卯時疾終正寢距生於道光戊

申年九月二十三日寅時享壽

聞

謹擇於三月十八日即陽曆四月二十
日領帖迎喪發引暫殯於法源寺

八十有八歲不孝懋復等隨侍
在側親視含殮擇日扶柩回籍
安葬哀此赴

孤哀子陳懋

隨良復伺需

泣血稽顙

齊衰期服孫

綿絨絃繼纏絮繁繁

泣稽首

護喪小功服叔承言拭淚頓首

期服姪懋

豐成鼎豫師

懋

升節泰解責

拭淚頓首

小功服姪孫

鈞綱繪綽緇維總綴統經綜綬
繡絳綰紹純繩綽綽綽綽綽綽

拭淚頓首

總麻曾姪孫

儲儒驛

拭淚頓首

功服弟寶

琯琬璇玑

拭淚頓首

小功服姪

振

振

拭淚頓首

總麻姪孫

浩淞緇緇淮
緇湛濟準

拭淚頓首

小功服弟

深濟淦連泳

拭淚頓首